

## BOORNSE KEERMS

Nen tweeden Deensdag in Oktober  
 Hé'w Boornse keerms, das 't ai't zo wes  
 Dat war ook vrogger, dôo nog 'n keend war  
 Keerms op de Bleek. Ik weet' nog bes.

Iej spoaren lange van te vuuren  
 Iej scharrelen ceenten bie mekaar  
 Boskoppes doen en dissels stekken  
 Veur de knienen van de vaar.

Mer 't grote geeld mus ai't toch kommen  
 Van 't eerpel gadderen op 'n boer  
 Achter de reui'jmechien hen kroepen  
 Verdeen de kwatjes bassens zoer.

Mer kwam 't keermsvolk met heer wagens  
 Dan was 't met het weerk edoan  
 Keek iej noar dee boonte wereld, wa'j  
 Van de Bleek nig weg te sloan.

En war de keerms dan anebrökken  
 Beste leu dan gung 't er van  
 Met oen zoer verdeende ceenten  
 Wa'j nen oavend lang de man.

Iej wussen nig wa'j 't eerste wollen  
 De Swing-mill of nen Stoeren Knaap  
 De Zweefmöl of de Boksautootjes  
 Of noar de tent van ome Jaap.

En iej sneupen en ie dreijen  
 Groot doen veur de meeks.. en dan  
 As 'n oamd hellef um war  
 Dan wa'j blut zo henig an.

Mer do'w oolder wödden gung 't aandere  
 Effen saam oawer de keerms  
 Oliebolkes, 'n vuske paling  
 Druumen noga of iets weerms

Vaak dan samen op 't café an  
 Bij Dieka of de Keizerskroon  
 Doar was meziek doar ko'j wat daansen  
 Doar was ait wa wat te doen.

De vrouwleu nammen een citroentje  
 De keerls nen pilsje of nen kloarn  
 Zo is 't wes, zo wo'w 't geern hoolen  
 Met de Keerms bie oons in Boorn

Jan Kleinman.

